

古今原始



| | | | | | |
|-----|---|---|---|---|---|
| 漢書門 | 九 | 八 | 四 | 〇 | 類 |
| | 七 | 三 | 〇 | 號 | |
| | 六 | 三 | 函 | 架 | |
| | 冊 | | | | |

| | | |
|------|----|------|
| 內閣文庫 | 漢書 | 九八四〇 |
| 三〇七函 | 一 | 冊架 |

| | | | |
|------|----|-----|-------|
| 內閣文庫 | 番號 | 漢 | 9840 |
| | 冊數 | 4 | (3) |
| | 函號 | 307 | 161 |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





新刻古今原始卷之八



桐城 錢唐

淺草文庫

趙 鈺 鼎卿 著
胡文煥 德父 校

世祖光武皇帝

以識用王梁為太司空

人君以識用人僅見于此

安定人盧芳詐稱漢宗室匈奴迎立以為漢帝

北狄立中國人為君始見于此

初起太學

武帝時雖置博士弟子而史不明言其為太學後

世立太學其名始見于此
帝視太學

此後世人君視學之始

立親廟洛陽祀父南頓君以上至春陵節侯五官中
郎將張純太僕朱浮議除之

四親廟始此

徵處士嚴光至京師帝臨所館視之

按親臨處士僅見于此

詔許盜相斬除罪

後世著為令而自首者且貸焉

太子疆廢為東海王

後以母廢太子始此

征伐四方置督軍御史

御史監軍起于此

改常侍曹為吏部曹主選舉

是謂吏部尚書之始

南郡獻銅鼓有銘

銅鼓來自駝越

鮮卑寇遼東

鮮卑始見于此

夏四月改元

前此改號俱在歲首歲中改者始此

賜莎車王賢西域都護印綬

賜外國印始此

九真徼外蠻夷張游率種人內屬

九真內屬之始

交趾牧率七郡太守遣使奉貢

交趾入貢之始

賜莎車王謚

蠻夷有謚始于此

東夷倭奴國入貢

此倭奴貢中國之始

宣布圖讖于天下

書圖讖始此

顯宗孝明皇帝

春正月帝朝原陵

此後世上陵之始

臨辟廱行大射禮

後世行大射禮始見于此

令郡國行鄉飲酒禮于學

天下郡國行鄉飲于學始此

皇太后陰氏崩上其謚曰光烈

后有謚始于此婦人從夫禮也今日光仍用帝謚
後世用四字二字始去其主之謚而專稱之失亦
甚矣

召張酺數侍講於御前

始有侍講而未嘗名官

遣使者以中牢祠蕭何霍光

人君遣使祠其故臣始見于此

帝奉皇太后如章陵

後世帝王奉太后出幸始見此

荊州刺史郭賀有殊政賜以三公服

後世旌部使者善政始見于此

西域浮屠法始入中國

此佛法入中國之始

西域十二月三十日是中國正月望日謂之大神變

帝令燒燭表佛法大明

此放燈之始也亦云漢武祭五時通夜設燎

永平摩騰首譯四十二章經

後魏晉南北朝宋皆有翻經館實始于漢

鷄林子曰吾嘗謂三代以上一宇宙也三代以下又一宇宙也秦寔間之今則自明帝以下又一宇宙矣何也夫人必有偶自是中國始有無偶者首必有髮自是中國始有髡髮者人必有家自是中國始有出家者家必有業自是中國始有不業者書必同文自是中國始有異言者有父則有子至是有不父之子有君則有臣至是有不君之臣教至孔子而止至是有可並孔子之教者尊至上帝而止至是乃有大于上帝之神者紺殿銖衣徧滿宇宙豈非又一大變哉

今之儒者迺陰尊其教陽覆其名則尤為可歎
實明帝首亂之也

詔司隸刺史歲考所部長吏殿最
此後世部使者考察屬官之始

至魯幸孔子宅

幸孔宅見于此

幸洛陽獄理出囚千餘人

幸獄僅見于此

時反支日不受章奏帝驚曰民廢農桑遠近詣闕拘
以禁忌豈為政之意

反支日不受章奏漢忌也

匈奴遣子入學

外夷遣子入學始見于此

北單于求合市許之

書合市始此合市交通莫其不復入寇非安攘至計也

幸南陽台校官弟子作雅樂奏鹿鳴帝自御埴篲和之以娛嘉賓

書歌鹿鳴始見于此

始置中官員數中常侍四人小黄門十人

用宦者有員數始此其數止于十四人後有職名者數千焉可慨也夫

哀牢夷內附

今金齒地也

修汴渠隄

書修隄始此

帝謙貶自抑不立寢廟藏主于光烈皇后更衣別室不立寢廟自明帝始也

孝章帝

令班固賈逵傳毅作連珠

始受詔作連珠楊雄亦有連珠或不始于此
章帝東巡守使使者奉一太牢祠帝堯於濟陰

祀先代帝王始此

大学生孔僖上書自訟以為蘭臺令史

大学生因言事得用始見于此

臨鄭均宅賜均以尚書祿

幸大臣家始此

詔定律毋以十一月十二月報囚

冬至後不決囚始此

漢興有草書不知作者姓名至章帝時有杜伯度崔

璜崔寔皆稱工

自蒼頡科斗一變為史籀大篆再變為李斯小篆

四變為程邈隸書至草書為五變矣

孝和皇帝

宦者鄭眾與誅竇憲謀以為大長秋

此東漢宦者預政之始

始封宦者鄭眾為侯

宦者封侯自此始

孝殤皇帝

太后以兄鄧騭為車騎將軍儀同三司

儀同之名見于此

孝安皇帝

太后率大臣命婦謁宗廟

時安帝年二十猶不親祀而太后專之以命婦陪亦創見也

災異策免三公

三公以災異免始于太尉徐防司空尹勣仲長統曰光武愠數世之失權忿強臣之竊命矯枉過正雖置三公事歸臺閣三公之職備員而已政有不治猶加譴責而權移外戚之家寵被近習之孺親

其黨類用其私人內充京師外布列郡顛倒賢愚貿易遷舉怨氣並作陰陽失和此戚宦之臣所致然也及策讓三公至于死免昔文帝之鄧通可謂寵愛而猶展申屠嘉之志今近世戚宦請託不行立能陷人于不測之禍惡可得而彈正哉

幸衛尉馮石府留飲十日

始見幸府抑何留連之久哉

初聽大臣二千石刺史行三年喪

三年之喪天下之通喪也漢自文帝遺詔短喪以日易月景帝遵之其後公卿大臣二千石刺史有

三年喪者。皆不得終制。至是司徒劉愷以為非。所以師表百姓。宣美風俗。始詔聽之。

封乳母王聖為野王君

封乳母為君。始見于此。

孝順帝

初令三公尚書入奏事

三公尚書得入奏事。始此。

初聽中官得以養子襲爵

此後世宦者。養子襲爵之始。古者以園人給事內庭。以其無男女之欲。子孫之累。故也。今既宮之。而

又使之得以養子襲爵。何若專用士人哉。

尚書令左雄議改察舉之法。限年四十以上。儒者試經學。文吏試章奏。

限年之法。始于此。

武陵太守上書。以蠻夷率服。可比漢人。增租賦。其冬遂叛。

漢初改黔中郡為武陵。歲令大人輸布一疋。小口二丈。是謂賔布。今乃增租賦也。

賜宦者孫程謚

宦官亦有謚矣。

蔡倫典尚方作帑用故麻名麻帑用木皮名穀帑用故魚網名網帑

帑始于倫視竹簡縑帛儉矣後有天淵刻藤之嘆可愧也已

詔舉武猛任將師者

後世武舉兆于此

孝質皇帝

詔郡國舉明經詣太學受業者歲滿課試拜官有差太學生課試拜官始此自是游学增盛至三萬餘生黨禍兆矣

孝桓皇帝

論定策功益封梁冀萬三千戶又封其子弟皆為列侯

以定策功論封始見于此

初置秘書監官掌圖書秘記

秘書官名始于此即中書之任也後或者或設或曰蘭臺或曰麟臺皆此官也

以宦者單超為車騎將軍

前用授勳戚之用事者今又授宦者迺以宦者盡得文武之權噫

減百宦俸

減俸始此

賣閔內戾以下官

鬻爵之濫至此極矣

初斂田畝稅錢

此後世斂稅之始

帝親祠老子于濯龍宮用郊天樂

後世隋老子于上帝其端肇於此

宦者使牢脩上書訟司隸校尉李膺養太学游士共為部黨下膺于獄逮捕其黨二百餘人遂策免太尉

陳蕃

按朋黨之名始見于此而黨錮之禍流毒後世戾

孝靈帝

立選用三五法

三五謂婚姻之家及兩州人不得交互為官

置鴻都門學以處諸生之能為尺牘辭賦及工書鳥篆者

按辭賦書篆之官肇端于此矣

作列肆于後宮帝自着商賈服從之宴飲

自是有宮中之肆矣

好私蓄。每郡國貢獻。先輸中署。名為導行費。即今之輸納常例也。流毒不遠哉。

刻石鏤金。載五經文于太學講堂。

石經。始于漢帝永光年間。

造萬金堂。以為私藏。

宮中私藏。始于此。

遣使就拜張溫為太尉。

三公在外拜。自溫始。

帝協

郭汜樊稠並自開府如三公。

開府之名見于此。

董卓呼三臺尚書以下。自詣啓事。然後得行。

此啓事之始也。

袁紹戰罷。幅巾渡河。

漢末王公名士。以幅巾為雅。貴賤皆服之。

詔遣僕射皇甫鄩和催汜。催不從命。

此後世人主解和臣下之始。

初封曹操為費亭侯。

亭侯之制自此始。

新刻古今原始卷之八

新刻古今原始卷之九

桐城 趙 鈇 昂卿 著

錢唐 胡文煥 德父 校

三國

曹操募民屯田許下州郡並置田官

募民屯田始見此

以伏完為輔國將軍

輔國將軍起于獻帝

曹操以其子丕為五官中郎將為丞相副

丞相副前此未有也

益州司馬張魯據漢中以鬼道惑衆

此張道陵之孫所謂五斗米賊也今世世崇尚其教而封其子孫鬼道能惑人甚矣

丹陽郡吏殺太守孫翊妻徐氏討殺之

按女子有志節始見于此

劉備三顧諸葛亮于隆中

親見處士僅見于此

漢獻帝以執金吾營勅為尚書左僕射

僕射分置左右蓋始于此

曹操因匈奴來朝留于鄴分五部散居汾晉間尋又

徙武都氏于扶風天水

晉夷狄亂華禍成于此

曹丕始立法自今宦者官不過諸署令作策藏之石室

損宦官權僅見于此此可世世行也行迺不久何

曹丕逼帝禪位遂篡立國號魏

此後世權奸逼君禪國之始

魏武為相始遣大將軍督之而袁紹分沮授所統諸軍為三都督

都督之名起于此

魏主丕禁錮宗室不許朝覲通往來

禁絕宗藩始見于此

詔亮以右將軍行丞相事

行丞相事之名始見于此

鍾繇為行書法非草非真離方遁圓入真者謂之真
行帶草謂之草行

書法至此凡六變矣蔡伯喈為八分書則七變矣

魏初制封王之庶子為卿公嗣王之庶子為卿侯公
之庶子為亭伯

分封以漸降級始于魏然虛封不食租也

魏何晏大將軍何進孫以主壻拜駙馬都尉

此稱駙馬都尉之始也後因之初駙馬都尉漢武

置也掌御馬監兩漢多宗室及外戚與諸公子孫

任之至是為尚公主者專矣

魏置諸軍都督事

始稱都督

魏始置著作郎

東漢皆以他官假著作之名今始專官隸中書省

魏置律博士

後世非五經置博士始此

魏置度支尚書

度支始于此

魏主叡徙長安鐘簾橐駝銅人承露盤于洛陽銅人重不可致自鑄銅人二曰翁仲列坐于司馬門外

後稱翁仲始此

魏制後嗣有由諸侯人奉大統者不得顧私親此後之繼統之說也

魏主叡自制為烈祖廟不毀

生前豫自尊顯古所未有也

魏光祿勳高堂隆疾篤口占上疏陳戒

後口占原于此

九月皇女亡應丞侍郎范甯奏按禮喪服傳有死宮中者三月不舉祭不別長幼之與貴賤也於是使三公行事

以喪廢祭始見于此

魏司馬懿殺王凌及楚王曹彪遂置諸王公於鄴後世禁錮諸王始見于此

晉置通事郎次黃門郎

通事官名始此晉改通事郎為中書侍郎

僕射曹馥没于寇亂嫡孫胤不得葬屍招魂殯葬

招魂之葬始見于此
十一月長至晉行賀禮

按長至之禮不見于紀傳惟晉禮志云魏晉冬至
日受方國及百僚稱賀因小會其儀亞于獻歲之
且志兼言魏晉不知其的在何時也

吳孫休即位戶部尚書讀奏

始有戶部名

晉置鮮卑降者于雍

鮮卑五胡之一也

晉胡烈討鮮卑秃髮樹機能

此南涼之先

晉選良家女備六宮禁天下嫁娶

書選女入宮始此

吳孫權使康僧求舍利既得即為造塔

此中國造塔之始也

晉初立國子學置祭酒

此國子祭酒之始

晉有尚書都令史八人秩二百石

此都事令史之始也

晉以匈奴劉潤為左部郎

匈奴晉五胡之一也其亂華始于此
作樂辭

舞與歌相應歌主聲舞主形自六代之舞至于漢
魏並不著辭舞之有辭自晉始

晉武帝

慕容洸歸寇昌黎

前燕始見于此五胡亂華鮮卑其一也不獨慕容
氏如拓跋充髮乞伏之類皆鮮卑也按昔人有言
晉之亡大率中原半為夷居劉淵匈奴也而居晉
陽石勒羯也而居上黨姚氏羌也而居扶風符氏

氏也而居臨渭慕容鮮卑也而居昌黎種族日繁
其居處飲食皆日趨于華惟其桀暴貪悍樂鬪喜
亂之志態則無時而可變也是以劉淵一倡而并
雍之胡乘時四起自長淮之北無復晉土而為戰
爭之場者幾二百年嗚呼後之人思為國家遠慮
者尚為子孫豫杜絕之毋謂久處中國以為後患
晉之事可鑒也已

除祭酒曹志等名

除名始此

陸機為浚儀令去官百姓思之圖像配食縣社

雷像始此

晉武帝立皇子廟祭用大夫禮
立太子廟始此

晉惠帝

成都王穎擊敗趙王倫兵帥帥濟河左衛將軍王興
等迎帝復位

書廢帝復位始此

晉右將軍王遐司馬劉曇父名遐求解職事詔不許
曇解可使換官

父諱與府主同名議避始見于此

以張軌為涼州刺史

前涼始于此

巴氏李特據廣漢進攻成都

李氏據成都始于此

鮮卑宇文部圍棘城

宇文周之先兆于此

司馬顯表穎為太弟

始有太弟之名

劉濶自稱漢王

此北狄入中國稱王之始

羯胡石勒陷鄴

五胡亂華羯其一也後趙起于此

晉江統議授官與本名同及官位犯祖諱宜改

避官位始見于此

晉博士孔晃上書犯帝諱後自上又觸諱而引詩書不諱臨文不諱有司奏以慢論帝特原之

上書避諱始見于此

冬十月匈奴劉曜僭號于蒲子國稱帝

嗚呼此夷狄稱皇帝之始夫春秋謹華夷之辨吳楚徐越本皆華夏之諸侯也以其不循分守僭號

稱王遂一切以夷狄待之矧本夷狄而僭吾中國之大號也哉原其始實中國之人有以感召之也當漢明帝時無故以夢寐恍惚之思遣使荒絕漠之使迎胡鬼致胡書構帝王之官以居之屈帝王之尊以事之以夷名夷遂有五胡亂華之禍監觴于北朝之分沿滔天于蒙古之混一而中國之土地人民盡為胡有矣可勝歎哉

氏酋蒲洪自稱略陽公

五胡亂華氏其一也符秦基于此

夏六月劉聰兵陷洛陽弒太子詮掘諸陵焚宮廟劉

曜丞羊后。晉主熾遷于平陽。劉聰補熾為光祿大夫平阿公。

此中國帝王為夷狄所執之始。

羌酋姚弋仲自稱扶風公。

五胡亂華，羌其一也。後秦基于此。

晉元帝

尊所生母荀氏為建安郡君。

妾無並主母之禮。自漢文尊薄太后，後世遂襲之。以為常典。胡氏謂晉明此舉可謂約情合義，而能以道事親者矣。

孫文上言：支子不應祭。刁協云：諸侯奪宗，聖庶奪嫡。况天子乎？宜加議罪。

奪宗之議見此。

晉成帝

初稅田畝三升。

田畝三升起科始此。

納后，群臣畢賀，時謂非禮。

此賀立后之始也。

石虎始聽民為僧。

此中國人為僧之始。佛法自漢明帝時入中國，然

漢魏時惟聽西域人立寺都邑至石虎啟事胡僧
佛圖澄國人化之始造寺廟削髮出家則是中國
之人為僧始于石虎時也

晉明帝

中山王睦上言乞依六蓼之祀臯陶杞鄩之祀相各
立廟詔從之

兄弟俱封各得立禰廟始議于此

聽民劉峻出家又聽洛陽婦女阿潘等為尼

此中國為尼之始

涼州刺史張寔遣兵入援

內援始此

殷浩罷遣大学生徒

以用兵故也學校從此廢矣

魏置僊人博士

僊人博士僅見于此又一始也

石虎改趙稱衛殺石鑒而代之國號魏

再魏始見于此

立佛精舍于內殿

宮中事佛始此

拓跋珪復稱代王尋改稱魏

北朝基于此

慕容垂立于中山復稱燕

是為後燕

晉琅玕王妃敬后薨而王後纂統追加謚魏改神主

改神主始見于此

柔然社崙自號可汗

此北狄稱可汗之始前此追封耳

晉道安受學於佛圖澄姓帛氏以師莫過于佛遂以佛為姓

沙門稱釋自道安始又道安見習鑿齒稱彌天釋
晉懷帝蒙塵崩于平陽梓宮未返元帝立廟之時入
主太廟脩祭祀之禮

遷難未葬入廟始見于此

晉華恒議七代制之正也若兄弟苟及禮之變也宜
為神主立室不宜以室限神主今有七室而神主有
十宜當別立

兄弟相繼藏主室始見議于此

晉康帝諱岳與五岳同諱請改議

避山川之諱始見于此

姚興命鳩摩羅什翻譯佛書大營塔寺

中國有梵夾書始盛于此嗚呼先時止有四十二章之經藏之官寺是後雖有胡僧安靜支懺康會等翻譯未甚傳布至姚興始大集胡僧以華音譯番語厥後偽詐日增遂至遍滿天下而中國虛矯者又剽竊老莊之緒餘以粉飾之遂至膠固不可解散其尤可惡者竊聖經之名名之無忌憚甚已後趙置戲馬觀觀上安詔書用五色紙銜于木鳳口而後頒之

今大禮御樓肆宥自石季龍始也

晉制角巾以葛為之形如恰而橫著之尊卑共服

葛巾始於東晉

晉令天下所在土斷

土斷欲流移附籍也其法始于晉

漢主聰立三后

立三后始此

新刻古今原始卷之九

新刻古今原始卷之十

桐城

趙

鈇

鼎卿

著

錢唐

胡文煥

德父

校

南北朝宋武帝

春二月宋主裕祀南郊大赦

後世因郊肆赦始此裴子野曰郊祀天地修歲事

也赦有罪何哉

初置貴妃位比相國

始有貴妃之號

魏立子燾為太子監國

書監國名始此

魏始封其臣為王

三爵之輕自此始

置太子侍講

魏所始立也

魏立天師道場受方士寇謙之符籙

道家之法始盛于此丘先生曰道家者流其原出于老子漢初其法有三十七家大旨去健羨處冲虛而已無上天官符籙等事東漢之末張道陵始創其法然惟私相授受于民間至是嵩山寇謙之

脩張魯之法自言嘗遇老子降命繼道陵為天師賜以雲中音誦科誡之書此後世齋醮科儀所由起也授以玉女服氣導引之法此後世辟穀脩養所由起也又言老子玄孫李譜文授以圖籙真經劫召百神此後符籙攝召之術所由起也銷鍊金丹雲英八石玉漿此後世烹鍊丹藥之技所由起也謙之自言親得李君手筆付以奉持輔佐北方太平真君出天宮靜輪之法謙之獻其書于魏人多不信崔浩獨上書神其事魏主遣使迎其弟子于嵩岳起壇宇于代都而崇奉顯揚之親備法駕

而受符籙焉。自是以來，有陶弘景、趙歸真、杜光庭之徒，又從而推演張大之，而其教遂大行于世。與儒釋並立而為三。

魏主尊其保母竇氏為太后，尊保母為后，始此。

宋立玄史文儒四學，又有四學之制。

魏稱太平貞君元年。

四字紀元，始此。

魏詔吏民得告守令罪。

吏民告言守令，始此。

魏主詣道壇受符籙，作靜輪宮。

書人君受符籙，始此。

魏明帝置淑妃加比三司，始有淑妃之號。

魏令公卿子弟皆入太學。

按公卿子弟送太學，始此。

宋行元嘉曆。

何承天以前之曆，合朔日月食不專在朔望。承天更撰新曆，皆取盈縮定其小餘，以正朔望。自是日。

食多在朔日矣

魏誅沙門毀佛書佛像

元魏迺有此舉毀之誠是也不人其人而盡誅之過也

宋主義隆為其太子劉劭所弒

書子弒父始見于此

魏增置內外候官以伺察百官過失

元魏置候官以伺察百官過失後世寄耳目于群小雖或因之以得臣民之陰私然小人假是以中傷正人君子亦多矣吁魏元成其作俑者歟

宋沙門曇標謀反伏誅

書僧反始此

魏立郡學置博士助教生員

書郡學始此

每征伐尅捷欲天下聞知乃書帛建于漆竿上名為露布

露布始于魏

宋鄱陽侯孟懷玉母封國夫人

此夫人封國之始也洎隋高涼洗氏以功封譙國大夫人後皆原此

宋制民歲輸布戶四疋

此非古人里布比也

宋作湘宮寺

書作寺始此

宋始令沙門拜人主

前此有不臣之人可咲也已

魏作大像高四十三尺用銅十萬斤黃金六百斤

作大像始于此媚佛也

魏罷門房之誅

自今非謀反大逆謀叛罪止及身

魏初禁宰牛馬

宰牛馬有禁始此

魏以孔子二十八世孫秉為崇聖大夫

官先師之後始此

魏禁宗戚十族與非類婚偶

良賤不許為婚兆端于此

契丹入附于魏

契丹之名始見於此

宋西羌未平東海王上錢二十萬助國

諸王獻助始此

齊制病因診治之法

醫治病囚始此

置婉儀為八十一御女

始有婉儀之號

魏始禁同姓為婚

夷狄于夫婦一倫。瀆亂尤甚。元魏入居華夏。事事慕中國聖人之教。至是又有同姓為婚之禁。其視蒙古之子。烝父妾兄。收弟婦。至于君國終而不知變。可羞也已。

魏詔均田

書均田始此。給事中李安世上言。田業多為豪戶所占奪。雖桑井難復。宜更均量。使力業相稱。又所爭之田。宜限年斷事。久難明悉。歸今主。帝善之。下詔。均天下人田。男夫十五以上。受露田四十畝。婦人二十畝。奴婢受田三十畝。

齊太廟加薦藜味。別祀于清溪故宅。

別室薦藜味始此。

魏詔漢魏晉諸陵皆禁樵蘇。

禁帝王陵樵蘇。僅見于此。

魏詔死刑而親老無它子。苟親者以聞。

後犯罪存留養親寔原于此

魏改姓元氏并改其郡臣從代來者姓

此胡人冒中國姓之始元魏起漠北以九十九姓為部落其所謂姓者皆以土俗類多重復至是改之以從中夏遂使中國姓氏華夷混雜不復可辨矣

梁置州望郡宗鄉豪專掌搜薦

此又一始也

魏主廢其后為尼

此廢后為尼之始

魏鑄錢曰太和五銖

後世以年號為錢文始此

魏始設游軍巡察坊巷

後世於坊巷設巡軍察盜賊始此

魏胡太后以其女弟為女侍中

女侍中之名始見于此

胡太后攝行祭事

書后行祭見于此

建隆元年八月大宴廣德殿

此秋宴之始也

魏以軍功多冒濫攷勲籍

替考勲籍始此

魏太后父胡國琮死追號太上秦公
人臣稱太上僅見此

元魏有司奏驪山有銀礦二石得銀七兩詔置銀官
常令採鑄

按採銀之官始置于此

魏以崔亮為吏部尚書立停年格

此後世資格用人之始始失人矣

宋齊以來多以樗蒲頭戰酒

按骰子之制亦有虞氏六鶴齊飛之變也

魏胡氏遊嵩高

婦人遊山之始

魏初封司空崔林為安陽亭侯

三公封列侯自林始也

魏黃權以車騎將軍開府儀同三司

開府之名起此

魏袁准正論曰同姓不相娶何也曰遠別也曰今之
人外內相婚禮歟曰中外之親近于同姓同姓且猶
不可況中外之親乎今以古之不言因謂之可婚此

不知禮者也

中表不可婚議始于此

魏元又殺奚康生以宦者劉騰為司空京兆王繼為大保崔光為司徒

宦者為三公始見此三公以宦者為之世道可知矣

魏沃野鎮民破六韓救陸反

元魏之亂始于此

達磨自南天竺泛海至廣州後止嵩山住少林寺傳惠可

中國談禪始于此

梁祖即位羅紹威取魏良材為五鳳樓

按五鳳樓始此

後魏于尚書諸司置主事令史

尚書諸司置主事始于此魏隋去令史但曰主事

梁始鑄鐵錢

以鐵為幣始見于此

魏杜洛周反于上谷高歡等從之

北齊起于此

梁象四時立十二卿

按古者天子諸侯皆名執政大臣曰正卿自周以來始有九卿之號其官無卿字至梁始加卿字後因之魏又各加少卿焉

北齊有督撰萬幾之印一鈕以木為之長尺二寸廣二寸五分背上為鼻鈕腹下隱起篆文曰督撰萬機四字唯以印縫

按條印蓋原于此

金城刺史院有高齋梁昭明太子于此齋造文選

梁時始有齋名

梁主蕭衍捨身于同泰寺

人主捨身初見于此

魏預徵六年租調

後世預徵民租始此

梁沈約屬辭此事往往成編為證古類事

此類事書所由起也後人做之有白孔六帖以漸益廣

梁陳時凡國之政事並由中書省有中書舍人五人領主書十人書吏二百人分掌二十一局事

中書之官舊矣謂之省者自魏晉梁陳時始立音韻之學自沈約為四聲及天竺梵學入中國為及

切字其學漸密

音韻始于沈約切字始于西域

魏爾朱榮以宇文泰為統軍

宇文周兆于此

魏于文泰以蘇綽為行臺左丞始制文案程式及計
帳戶籍之法

始有文案程式

宇文泰廢魏主后為尼立柔然女為后

中國主用夷女為后始此

梁廣州亂參軍陳霸先討平之

陳起于此

梁得佛舍利大赦其境內

舍利子何以能致赦也

梁以中書舍人專掌詔誥

中書舍人專掌詔誥始于此

魏始光二年立道場神麤四年諸州悉立

道場法會為誕日也自此為崇福奉祝之始唐代

宗時始誦仁王經周廣順二年勅臣僚遇聖節底

寺觀起置道場皆是率醮宋後中書門下與百官

樞密院與諸司使副馬步軍都指揮使各共設齋

遂為故事

魏遣使如突厥

突厥始見于此

魏初作府兵

府兵之制始此不始于唐也

魏始作九命九秩之典

後世以九敘品始此

魏於尚書置祠部曹

祠曹之始也

魏主幽其太后胡氏于別宮

幽母后始見于此

陳制春夏不斷死刑

春夏禁刑始此

周制十二丁兵

周始改八丁兵為十二丁兵率歲一月役

陳以孔奐為太子詹事

太子詹事之名始此

齊以盧叔虎為太子庶子

太子庶子之名始此

齊置文林館以侍郎李德林領之推同判館事共撰

修德殿御覽

置館修書始此

周宇文護令百官執笏

古者笏以記遺忘而已執以為禮始此

周始用士人為縣令

縣令以士人為之始此

周主初製紗幘服之

此後世幘頭之始嗚呼自有此制以來三代古制
遂不可復

周初作乞寒胡戲

即後潑寒胡戲也

周主贛立五后

始見五后

隋文帝楊堅定服色始服黃

後世人君服黃始此

初置軍器監

後改為局本此

隋初行新律

後世以笞杖徒流死定罪始此死刑二絞斬流刑
三自二千里至三千里徒刑五自一年至三年杖

刑五自六十至百。笞刑五自十至五十。又請減贖官當之科。以優士大夫。除訊囚酷法。考掠不得過二百。行杖者不得易人。枷杖大小咸有程式。自是法制始定。凡前代所以梟輶鞭法。盡去之矣。唐得天下。制律一本乎此。後代因之。遂為百世通行之法。

隋令民有枉屈。縣不為理者。聽以次經州郡省。若仍不理。聽詣闕伸訴。

小民伸訴。自下達上。始于此。以沙門韋瑱為翻經館學士。

僧始官

齊立昭儀穆氏為右后。

立右后。始此。

命尚書六曹。每曹置一員外郎。

員外郎。始于隋文帝。

又設六曹二十四司。

始有分司。

隋賦錢造佛圖經像。

此又一賦也。始見于此。

隋命左右僕射分判六部。

六部之名始見于隋

隋以倉廩尚虛議為水旱之備詔于蒲陝等十三州募運米丁又各置倉轉相灌注漕關東及汾晉之粟以給京師

沿河置倉議始于此

隋初作義倉

義倉始于此

隋晉王廣班師俘陳叔寶至京師獻于太廟論功行賞

滅國獻俘始見于此

隋用蘇威議以五百家為里置里長一人

後之里長本于此

隋頒曆于突厥

頒曆外夷始此

隋開揚州山陽瀆

山陽開瀆見于此

高涼女子沈氏世為南越首領以功冊為高涼郡夫人後冊譙國太夫人

夫人封郡封國之始能為夫討賊者古今一見置九品品各有從自太師始至四品以下每品分為

上下凡三十階

始有正有從後因之

又置視正二品至九品品各有從自行臺尚書始謂之視流內

視流內自此始唐因之

置勳品九品自錄事及五省令史始謂之視流外流外自此始

隋制民年五十免役收庸

年老收庸不用其力

西域大食人始至中國

此中國有回回人之始其國在玉門關外萬里國俗惟祀天不為像設至是始有航海至廣外者始即其地創寺禮拜然猶未盛也至金元以後始蔓延于中國所至輒相親而守所謂教門者尤篤云封功臣為國公

始有國公之封

初置工商不得仕進

仕進禁工商始此

隋詔諸司論屬官罪聽律外決杖

唐世簿尉不免筭楚則自此始

詔死罪三奏然後行刑

三奏之制始于此

置行宮十二所

書行宮始此

國子監置司業監丞

取樂正司業之意始有此二名

隋煬帝開通濟渠引汴水開邗溝置離宮造龍舟

造龍舟始此始開邗溝

隋煬帝始設進士科

後世進士之科始此

詔牛洪等衣冠皆有等三四品通着紫五品朱六品
以下綠官吏青庶人白商皂

服色之分或始于此也

遣兵擊琉球

琉球之名始見于此

復徵天下兵集涿郡始募民為驍果

募民兵始見于此

唐公李闕起兵太原遣使稱臣於突厥請兵

中國稱臣于夷狄始此

置德妃賢妃

始有德妃賢妃之號

置順儀順容為九嬪

始有順儀順容之號

新刻古今原始卷之十一

桐城 趙 鈇 鼎卿 著

錢唐 胡文煥 德父 校

唐高祖

唐定租庸調法

有田則有租有身則有庸有戶則有調每丁租二

石絹二疋綿三兩自茲以外不得橫歛

給各官隨身佩魚三品以上其飾金五品以上其飾

銀卽古韋袋

蓋以鯉為李也武后改佩龜取玄武之意

初行開通元寶錢

後世錢文用寶字始此此錢輕重大小至為得中
至今用之不廢

詔諸州明經秀才俊士進士縣考試州長重覆考隨
方入貢

選士自縣達州自州達京唐始行之

初設太醫局醫博士一人療民疾

醫始有學

以楊恭仁檢校梁州諸軍事

檢校之名始于此

改大總管府為大都督府

都督府名見于此

初定口分世業法

按口分世業法始見於此

太宗皇帝

置弘文館聚書籍選文學之士虞世南等更日宿直

按學士宿直始此

以御史大夫杜淹參預朝政

以他官預政始此

罷周公祠始以孔子為先聖顏回為先師

此後世學校專祀孔子之始。前此所謂先聖者周公也。先師者孔子也。後世惟以顏子配享。制諫官隨宰相入閣議事。

此一美政也。後莫能繼而行之。何哉。

制御史法冠

卽獬廌冠也。

制五品以上陪祭朝饗拜表之服。亦曰朝服。又省服。

五品以上公事。朔望謁見東宮之服。亦曰公服。

始有朝服公服之別。

唐制凡選有文武。文選吏部主之。武選兵部主之。皆

為三銓。尚書侍郎分主之。

文選武選分於唐。

帝從四夷請。稱天可汗。

中國之主。稱夷狄之號。僅見乎此。

詔定常服差等。

三品以上服紫。四品服緋。六品服綠。八

品服青。與隋稍異。

太宗御崇政殿。試進士。按名一一呼之。面賜及第唱

名。

唱名賜第。自是為始。

李清罷為特進。三日至中書平章政事。

平章政事之名始此。

詔僧道拜父母。

前此有無父無母之子。

吐蕃遣使入貢。

此吐蕃通中國之始。

正觀十八年五月五日，太宗謂長孫無忌、楊師道曰：五日舊俗，必用服玩相賀。今朕各遣卿飛白扇二枚，庶動清風，以增美德。

端午賜扇，自太宗始也。

定十道府兵之制。

初分天下為十道，後世分道而治，本于此。

以宰相監修國史。

后代因之為國史總裁。

制史館修撰，掌修國史。

按修撰之名始于此。又有曰北門修撰、集賢修撰、右文殿修撰，皆史官也。

制文武官一品及國公母妻為國夫人，三品以上母妻為郡夫人，四品母妻為郡君，五品母妻為縣君，散官同職事，若勳官四品有封母妻為鄉君，其母邑號。

皆太各視夫子之品其不因夫子加邑號者稱其品
夫人郡君云

邑號起于唐

南平公主適王敬直始行婦禮

古者王姬下嫁於諸侯車服不繫其夫下王后一
等猶執婦道以成肅雝之德不敢挾貴以驕其夫
秦以後天子之女方為貴之稱曰主易其嫁娶之
名曰尚夫居于妻舅姑下于婦其原始于秦人尊
君卑臣至唐太宗女適王珪子始與其妻坐受公
主執笄盟饋是後公主始行婦禮是雖珪之知禮

亦由太宗盛德有以容之也太宗女又有襄城公
主者適蕭瑀子帝欲為起第主辭曰婦事舅姑如
子事父母定省朝夕所以養也而容別居據何理
也其天資識趣高矣然則制當何如而可曰品職
儀衛略如藩王之制親族姻婭一遵家人之禮
詔內職有闕選良家有才行者充

選良家論才行始此

詔禮部引試分差官廊下巡察勿容私相教授
此巡綽所由始也

制要目輿大駕先五輅行

要目輿始于唐

頌氏族志

氏族有志始此後改為姓氏錄

吐蕃寇松州遣侯君集擊之

唐吐蕃之禍始于此

制烏紗帽

紗帽唐制也

以幘頭起于隋抹古制為翼善冠

翼善冠始于此

帝視國子監命祭酒孔穎達講孝經增築學舍增廣

生員

視學講經始此後遂有增廣生員之名

以楊師道為中書令劉洎黃門侍郎參知政事

參知政事之名始此

命呂才刊定宅葬祿命等書

宅葬祿命書其來久矣

魏鄭公等嫂叔服云或有長年之嫂育童孩之叔劬
勞鞠養情若所生分饑共寒契闊偕老其在生也同
于骨肉及其死則推而遠之求之本源深所未善且
事嫂見稱載籍非一鄭仲嘉則恩禮甚篤顏弘都則

竭誠致感馬援見之必冠孔伋哭之為位嫂叔無服請從小功

叔嫂服始于魏徵之議

起復于志寧為太子詹事

書起復始見于此奪喪處職非禮也

以長孫無忌兼太子太師房玄齡兼太傅蕭瑀為太保李世勣為詹事瑀世勣同中書門下三品

同三品之名始此

改太子中舍人為中允

中允官名所由始也

宴蠻夷酋長於玄武門奏七德九功之舞

宴外夷始此

封公侯無國土其加實封者則食其所分之戶戶給繡帛每賜爵遞加一級

魏以前封侯不食邑謂之虛封唐因之始加實封

制取士之科由學館者曰生徒由州縣者曰鄉貢

鄉貢之名起于唐

制太子見三師儀

太子見師其儀與古合否

房玄齡等上高祖今上實錄

書實錄始此

制大功不得聯職

今兄弟子姪不得同省而官亦是此意

祭戰亡子弟

恤陣亡始此

詔邊州別置經略使

此使名所自起也后招討使都統使皆原于此

制諸司相質問曰開開

移關始于唐

以勅勒諸部為州府其酋長為都督刺史

范祖禹曰先生御夷狄不以利誘不以威脇故不勞民不費財至于後世之君或欲殄滅之或欲招來之二者皆非也何則彼夷狄亦人類也王者于天地間物無所不養况人類而欲殘之乎殘之固不可况不能勝而欲自殘其民乎仁人之所不為也為之者秦始皇是也山川之所限風氣之所移得其地不可居得其民不可使列為州縣是崇虛名而受實弊也且得之既以為功則失之必以為恥其失之不在已則在子孫故有征討之勞饋餉之煩民不堪命而繼之以亡隋煬帝是也人君類

忽近而喜遠厭故而謀新雖或未至于亡而常與
之同事其累德豈細哉

改官名犯先帝諱者

避諱始此

始以左丘明等二十二人從祀孔子

此後世以儒先從祀孔子廟庭之始左丘明卜子

夏公羊高穀梁赤伏勝高堂生戴聖毛萇孔安劉

向鄭衆杜子春馬融盧植鄭玄服虔何休王肅王

弼杜預范甯賈逵也

回紇吐迷度為其下所殺詔立其子染干

回紇始見于此

高宗皇帝

始置員外同正官

員外之名始此

梁建方大破處月朱邪于牢山

朱邪之名始見此

置太公廟以張良配享仍簡取古名將准十哲

武臣廟始此

命弘文學士一人日待制武德殿西門

待制起于此

詔衡山公主侯三年喪畢成婚

公主終喪成婚善制也

帝命百官四夷朝后于肅義門

后初立百官朝始此為武后也唐室之禍兆于此矣

勅京官五品五日一參太極殿視事仍朔望臨朝

此五日起居之始也

命內外命婦入謁

後世命婦朝后亦自此始

初令皇后決百司奏事

武后預政之漸古云牝雞司晨惟家之索豈不驗哉

帝與后同幸李勣許圍師第

帝后同幸人臣之家創見于此今鄉人自好者猶不肯為而謂帝王為之乎

帝與武氏同聽政

帝后同聽政異事也子少國疑母后聽政人猶非之况儼然同臨臣下豈不覷然人面哉

以李教玄郝處俊同三品

始以同三品入銜

以制勅用白紙多為其蛀。今後尚書省頒下諸州諸縣並用黃紙。

勅用黃紙自高宗始。

分高麗地為州縣立安東都護府。

郡縣高麗始此。

颶海總管蘇海政矯詔殺興昔亡可汗。

自是十姓皆附吐蕃而唐世吐蕃之禍始此。

定銓注法以身言書判取人。

以身言書判取人始此。

凡選者先簡僕射乃上門下省給事中讀之黃門侍

郎省之侍中審之然後上聞主者受旨而奉行各給以符而印其上謂之告身其文曰尚書吏部告身之印自出身之人至于公卿皆然武官則授于兵部

告身之法始于唐。

武后始請父在為母服齊衰三年。

後世為母服三年始此是時雖請未行至楊拱中始行遂為制。

春正月百官四夷朝武氏于光順門。

元旦百官朝后始見此。

春正月宴百官及命婦于麟德殿。

命婦同宴見于此

高宗停南北中尚梨園作坊減少府雜匠

梨園作坊始于唐

武后置銅匱受密奏

投匱始于此

武后以僧懷義為新平道大總管討突厥

以僧統兵僅見于此

武后使舉人王山輝等並授試官

初試舉人官後稱試職接此

詔皇太子監國以裴炎劉景先郭正一兼東宮平章

事

東宮有平章僅見于此

詔左右監門衛掌諸門禁衛及門籍文武官九品以上每月送籍于引駕仗及監門衛衛以帳報內門凡朝參奏事待詔官出入者閱其數凡籍月一易之

此門禁之始

立孫重照為皇太孫

太子在而立太孫者始見于此

中宗皇帝

許諫官御史風聞言事

後世臺諫風聞言事始此

武后賜群臣高頭巾子呼為武家諸王樣

此巾子之始也

武后置內供奉

玄宗有翰林供奉此名供奉官之始也

武后策賢良詔李景謨糊名考覆令舉貢後解啓用
其事曰彌封

彌封之制始于武后

武后覆試崔沔

覆試起于墨後或間行之

韋陟每書陟字自號五雲體俗諺相緣以為常後不
取名各出機巧

花押之巧始于韋陟古人破真從草以難于模倣
非盡去其名也

始試士于洛城殿

此後世進士殿試之始按策問賢良非試之也後
世出題試士于殿寔因于此

墨從姚璩請命宰相撰時政記月送史館
撰時政記見此

始設武舉

武舉見此

武后勅天下僧尼隸祠庫

此祠部轄僧之始

又置檢校試撰知判等官

知其官判其官自此始

置修文館學士以李嶠等二十人為之命女官上官

氏第其文

以學士名官始此

以薛訥為幽州經略節度大使

節度之名自此始

安樂公主下嫁武崇訓光豔動天下疾王柄臣皆出其門嘗作詔籍其前請帝置可帝笑從之與太平公主皆開府而主府官屬尤濫皆出屠販納貨售官降墨勅斜封授之故號斜封官

始用斜封墨勅授官而公主開府前未有也

南郊以皇后為亞獻以宰相女為齋娘

皇后郊祀僅見于此

上與韋后觀燈市里

自出觀燈始于此

召王公近臣入閣守歲
又一始也

睿宗皇帝

帝以公主為女道士。資天皇天后之福。

始見公主為女道士

玄宗皇帝

置十道按察使

按察使之名始此

先天二年正月望夜。胡人婆陀請燃百千燈。因弛門
禁。帝御延禧安福門縱觀。

此天子御樓觀燈之始也

始封女華婉代國主

國主之稱始于此

置左右教坊。典倡優雜伎

教坊之設始此

召馬懷素褚无量更日侍讀

侍讀尚未名官

初置翰林院

翰林院之置始此

張說改政事堂。號中書門下。列五房于後。一曰吏房。

二曰樞機三曰兵房四曰戶房五曰刑禮房分以曹官

余去樞機加工房改刑禮為二制增太廟為九室

增廟室從此始

以鄆王嗣真等遙領大都護

諸王遙領外鎮始此

名新除縣令試治民策

試縣令以策見于此

令諸州貢舉省試下第願入學者聽

此下第舉人入學之始

始改顏回等從祀孔子者為坐像

古者祀神以尸其後代之以主未有像設也自佛氏入中國始鑄金為像後又為土木之偶焉祀先師亦以塑像不知始何時考史開元八年改顏子等十哲為坐像則前此固有為塑像者矣但先聖坐而諸賢皆立至是乃改立為坐耳然非但有像也至二十七年又內出袞冕之服以衣之

張說薨輟朝罷元會

輟朝始此

勅諸州貢舉皆于本貫不得于所在附貫

貢舉重御貫自明皇始也

始詔孔子門弟子從祀

前此孔子弟子惟列像廟堂不預饗祀至是因李

元璿言始得列享于左丘明等二十二人之上

詔李衢林寶謨玉牒一百一十卷

玉牒始此

考功員外郎為舉人抵訶玄宗以員外郎望輕遂移
貢舉於禮部以侍郎主之

禮部知貢舉自茲始

安南亂遣宦者楊思最討平之

唐世中人預國政自玄宗任高力士始中人預軍
政自玄宗用楊思最始

始募兵充宿衛曰禁兵

禁兵始于此而冗兵之費傳蠹後世矣

帝好羯鼓稱為八音之領袖

本戎羯之樂始盛行于唐

置麗正書院聚文學士脩書侍講

侍講始名官

以宦者楊思最為輔國大將軍

內臣為將軍稱大始此

詔祀兩師與雷師同壇

此後世祀雷之始

秋八月以帝生日為千秋節賜百官宴

後世以人君始生之日為節而表賀之始此文宗

於誕日禁屠后世循用之

置太公廟以張良配遷古名將以備十哲

太公之祀始見于此兵兆也

作十王宅以居皇子又置百孫院于宮側

造王宅于宮中始此又置維城庫于禁內給諸王

月俸

命黃幡綽撰拍板

拍板始于明皇或云北齊已有之

制戶籍三歲一定分為九等

三年一編造人戶始此

始祀九宮貴神

又開一始也

蕭嵩為相以天子升降不當令人見奏請凡朔望臨
朝備羽扇于殿下將出所司承旨索扇合上坐坐
定去扇上將退又索扇如初

此羽扇之始也

命畢建六人宣撫十道

宣撫之官起于此

勅令王妻為妃文武官國公妻為夫人

妃與夫人自此定矣

加母黨服

母黨有服見此

置玄學博士習老子莊子文子列子曰道舉士官秩
蔭第同國子舉送課試如明經

又有玄學之設

令匠作大將姜師度戶部侍郎強循俱攝御史中丞
與諸道按察司檢責海內鹽鐵之課

以御史理鹽政始于唐

立明經向義進士試經法

進士試經義見此

募丁壯長充邊軍

募民充伍始此

御五鳳樓酺宴

五鳳樓前宴唐制也

學士專掌內命凡拜免將相號令征伐皆用白麻

按宣麻始此

立童子科十歲以下能通一經及孝經論語誦文十通予官

此又一科也

置集賢殿書院

初有書院

行和糴法

書和糴始此

唐故事公卿皆搢笏于帶而後乘馬張九齡獨常使人持之因設笏囊

笏囊自張九齡始也

始置學士院改翰林供奉為學士

翰林學士始見于此

以王璵為祠祭使用楮為錢以祭

後世用紙錢代帛始此

追謚孔子為文宣王贈弟子為公侯伯

按自漢追謚孔子為褒成侯宣尼公後世因謂孔子宣公又謂之為宣尼至是又加文與宣為謚

制僧尼令祠部給課

此後世度僧給課之始

賜安祿山爵東平郡王。又賜鐵券。

唐將師封王自此始。

追削李林甫官爵剖其棺。

死者追論剖棺始此。

加聖祖及諸帝后號謚。

加謚始此。後因之。凡十數字。

群臣請加尊號。凡十二字。

自後加尊號者。倣此。

始封東鎮沂山為東安公。南鎮會稽山為永興公。西

鎮吳山為成德公。中鎮霍山為應聖公。北鎮醫巫閭

山為廣寧公。

五嶽始封公。後加為王。

封河為靈源公。濟為清源公。江為廣源公。淮為長源

公。

四瀆始封。

封東海為廣德公。南海廣利公。西海廣潤公。北海廣

澤公。

四海始有封。

詔祀歷代忠臣義士。孝婦烈女。德行彌高者。所在置

祠宇。量事致祭。

按後世祭忠義孝烈始此

始試詩賦并雜文貼經為三場

三場試始于此也

肅宗

置防禦團練使

此團練使之始也

制以官爵賞功

是時府庫無蓄積朝廷專以官爵賞功諸將出征皆給空名告身聽臨事注名有至兩府特進異姓王者諸軍但以職任相統攝不復計官爵高下及

是復以官爵收散卒由是官爵輕而貨重大將軍告身一通纔易一醉凡應募入軍者一切衣金紫名器之濫至是極焉

歲遺回紇絹二萬疋

此歲帛之始

置左右神武軍

神武軍名見此

今郭子儀等九節度討安慶緒以宦官魚朝恩為觀軍容使

觀軍容之名自此始范氏曰鳳洲衛殿齊師殖綽

郭最曰子殿國師齊之辱也以諸侯之師闖人殿之猶以為辱况天子之師使宦者又一異事也

制除五品以上官令舉一人自代

授官舉人自代始此

始服喪二十七日

自漢文遺詔以月易日景帝遵之為三十六日至唐太宗遺詔亦然至是始有二十七日之制遂為後世常制

代宗皇帝

號宦者李輔國為尚父而不名以為司空兼中書令

尋進爵博陸王

宦者封王始于此

以劉宴晏為度支轉運鹽鐵等使

後度支鹽運使名見此

兵馬使梁崇義據襄陽以為留後

書留後始此唐已有兵馬使矣但職有重輕

稅青苗錢給百官俸

青苗之名始見于此

追謚齊王愔為承天皇帝

謚王為皇帝僅見于此

始置內樞密使以宦者參掌其事

後世樞密之名兆于此以宦官董建秀參掌其事
專主樞密文書如漢之中書謁者令也中有處分
則令樞密宣付中書門下施行未有司屬亦不典
武事

詔寬滯聽詣三司使及搥登聞鼓

登聞鼓見此

德宗皇帝

詔稅夏輸無過六月秋輸無過十一月置兩稅使以
總之其租庸調雜徭悉省皆總于度支兩稅外取一

錢者以枉法論

始行兩稅法

初稅商漆竹木錢

自是有漆竹木之權

初行稅間架除陌錢法

房屋有稅始此

帝以寒食多與上巳同時欲以二月名節自我為古
李泌請廢正月晦以二月節為中和節因賜大臣戚
里尺謂之裁度民間以書囊盛百穀瓜果相向遺號
獻生子同里釀宜春酒以祭勾芒祈豐年百官進農

書以示務本帝悅迺著令與上巳九日為三令節

二月一日為中和節本于德宗

始賜有功將士以功臣名號

此後世賜功臣名號之始所謂奉天定難功臣是也

因國用不給借富商錢約罷兵乃償之

借貸始此當時搜督甚峻民有自經死者可勝嘆哉

減江淮運米令京北邊鎮和糴

按邊鎮和糴始此

鹽鐵使張洵請稅茶

自此茶利遂與鹽並

詔宰相迭秉筆以處政事

此豈足以分權乎

以宦者為宮市使

按史謂宮中市外間物名為市實奪之也

始令史官撰日曆

日曆之名始見于此胡寅曰古者史官世掌其職大臣不與天子不觀故得直筆取信于後世其次如貞觀制史官日隨事記之猶為近古自李義府

許敬宗不許史官聞仗後事姚璹建令宰相撰時
政記今韋執誼又奏令史官撰日曆蓋欲迷眩千
古以蓋其誣上行私之心也夫天下公是公非不
為言語文字可以變移黑白欲垂名竹帛者其道
在自脩

憲宗皇帝

以宦者劉光琦知樞密院

樞密有院始此代宗初置樞密使以宦官參掌其
事至是始以光琦知樞密院其後又以梁守謙為
使然皆內臣也至于唐末以樞密使與宰相奏事

聽進止五季因以為二府則又以處勲舊之臣宋
興因之委以兵柄與中書省並焉

帝曰諸女嫁不時而遷尚皆由中人厚為財謝乃得
遣吉甫奏自古尚主必謹擇其人江右悉取名士獨
近世不然帝乃下詔皆封縣主令有司取門閭者配
季

取門閭僅見于此選尚必厚賂中人自古記之矣
沙陀來降以其酋長執宜為陰山兵馬使

此五季唐之始

封恩王等女為縣主

書縣主僅見此

吐蕃請互市從之

與吐蕃交市始此

詔丞相出入加執金吾騎士張弦露刃以衛

以武元衡裴度被刺故也

以方士柳泌為台州刺史求天台靈草

以方士臨民此其始也

自淮西用兵以來度支鹽鐵使及四方爭進奏謂之
助軍賊平又進賀禮助賞

百官獻助見此

詔諸道支郡兵馬並令刺史領之

范祖禹曰後世郡縣古之諸侯也委之以土地人
民而不與之兵是以匹夫而守一州也天下有變
則城郭不守而朝廷無藩籬之固何以異于無郡
縣乎是故為法者必因盛衰使一縣之衆必由于
令一郡之衆必由于守守之權歸于按察按察之
權歸于天子則天下如綱網之相維臂指之相使
矣唐自中葉郡置鎮兵主將有擅兵之勢而刺史
無專城之任是以郡縣愈弱藩鎮愈強橫海一帥
制之得宜而數世順命况天下處之皆得其道何

危亂之有哉

穆宗皇帝

段文昌言禮部侍郎錢徽等知貢舉不公令覆試貶徽等外任

以選舉不公覆試見此而唐末黨禍於斯兆矣

尊貴妃郭氏為皇太后

妃郭曖之女也憲宗以妃宗門彊盛恐立為后後宮莫得進幸因縱慾不立后古今惟見此耳亦一始也

帝餌金石藥有疾

金石藥作崇人間矣

敬宗皇帝

鹽鐵使王播進羨餘絹百萬疋

進羨餘始此

文宗皇帝

開成二年誕日始禁屠宰

聖節禁屠之始

帝好聽外議諫官言事多不著名

匿名諫書始見于此亂政也

出水車樣令京兆尹造給鄭白渠溉田

水車始見于此

武宗皇帝

以左僕射王起同平章事充山南西道節度使
相臣除使相始于此

內侍監仇士良致仕

宦者致仕始見于此

春三月帝疾篤宦馬元贄立光王怡為皇太叔

稱皇太叔始此前見太弟今又見太叔

宣宗皇帝

定太廟為九代十一室

此又一制也

吏部尚書李景讓上言穆宗乃陛下兄敬宗文宗武
宗乃兄之子陛下拜兄可拜姪可乎宜遷四主出廟
還代宗以下入廟詔百官議不決而止

按議雖不行此亦古今所未有事也

懿宗皇帝

分嶺南五管為東西二道

後分東西道始此東道治廣州西治邕州

桂州戍卒久不代龐勳等反還陷宿徐州執觀察使

崔彥曾遣康承訓發諸道兵討之勳陷滁和州

唐末之亂始此。易云：喪牛于易，有國者知戒西北之虜而不知患生于其所無備。漢亡于董卓而兵北于冀州，唐亡于董巢而禍基于桂林。易之意深矣。

二月朔上歷拜十六陵

上陵始見于此

僖宗皇帝

泚陀李國昌及其子克用皆為官軍所敗亡走達靺。達靺之名始見于此。

宥州刺史拓拔思恭會郿延節度使李孝昌同盟討

賊

拓拔思恭西夏之先也

以劉謙為封州刺史

南漢之基兆于此

以左右神策大將軍為都督指揮使

指揮使始于僖宗

以李克用為河東節度使

後唐之基成于此

以朱全忠為宣武節度使

梁之基成于此

以宗女妻南詔

以宗室女妻南蠻始見于此

遣王建成三原遙領壁州刺史

將師遙領州自此始

以錢璆為杭州刺史

吳越之基始于此

利州刺史王建襲閬州而據之

王蜀之基兆于此

宣州觀察使秦彥入揚州廬州刺史楊行密引兵攻之

楊吳之基始于此

昭宗皇帝

武安軍亂殺劉建鋒推馬殷為留後

馬楚之基始于此

貢院奏舉人試前五日納紙用中書省印付貢院院

司印鏤在內往來不便請祇用當司印

試卷用司印始于此

冬十一月有事于南郊宦官始服劍佩

衣服可以觀治

以王嗣為福建觀察使

此閩王之基

宦者楊復恭肩輿至太極殿
內殿肩輿始見于此

昭宣帝

劉仁恭始文民面為軍

後軍人刺面始此

以朱全忠為三司都制置使

三司之名始于此

詔佛像以鉛錫土木為之

塑像用土木見于此

新刻古今原始卷之十一



